

佛頂最勝陀羅尼經序

弘福寺沙門彥惛述

夫業理綿微二乘不足臻其極神宰惚恍十地未易暨其深則知賦命交加罕言於孔宣父報應叢雜冥昧於太史公是以先笑後號鸛雀祥而莫准始凶終吉桑穀妖而弗驗或倚或伏之說柱下庶欲照其幾爲禍爲福之談塞上僅可隣其次若乃探緣洞業索果明因儔絜大於百家孰有京於十力故能息善住之萬惡杜閭摩之圓戶轉凡階聖引短成脩比宋景之退法星猶帶芥於三舍偶魯陽之擣落日故齟齬於再中何只庇託延祺見聞招賴慝神香於異域恥靈草於瓊田若斯而已哉乃將輕埃附而九惱祛清吹獵而三障殄皎鏡齊光於日寶暉煥比麗於天金雖

莫五

十五

事若反常而乘機顯妙奚可以常人之耳目擬議大聖之希夷者焉此經以儀鳳四年正月五日朝散郎行鴻臚寺典客令杜行顗與寧遠將軍度婆等奉詔譯進時有廟諱國諱皆隱而避之即世尊爲聖尊世界爲生界大勢爲大趣救治爲救除之類是也上讀訖謂行顗曰既是聖言不須避諱杜時奉詔以正屬有故而寢焉無幾勅中天法師地婆訶羅於東西二京太原弘福寺等傳譯法寶而杜每充其選余時又參末席杜嘗謂余曰弟子庸材不閑文體屈師據勅刪正亦願依文筆削余辭以不敏載涉暄寒荏苒之間此君長逝余歎惋流涕思其若人又懼寢彼鴻恩垂於貝牒因請沙門道成等十人屈天竺法師再詳幽趣庶臨文不諱上奉皇私曲盡方言

下符流俗故乃具表曲委陳諸始末俾夫披
覽之士無猜此教焉于時永淳元年五月二
十三日也

佛頂最勝陀羅尼經

唐中天竺三藏法師地婆訶羅譯

如是我聞一時佛在舍衛國祇樹給孤獨園與大比丘衆八千人俱復有菩薩摩訶薩等一切皆得正智明炬照於諸法無所罣礙其

名曰文殊師利菩薩蓮華勝藏菩薩離諸障菩薩觀世音菩薩得大勢菩薩執金剛菩薩虛空藏菩薩普賢菩薩彌勒菩薩持地菩薩摩訶薩等如是上首三萬二千人俱復有萬梵天王善吒天等各從餘世界來至佛所復

莫五

十六

有萬二千天帝與無量諸天龍八部人非人等來至佛所爾時世尊四衆圍遶供養恭敬而爲說法當是之時釋天衆中有一天人名曰善住與諸天女處大寶宮放逸嬉戲恣情受樂其夜有聲呼善住曰却後七日汝定命

終於閻浮提七返生死從是已後復入地獄從地獄出後得人身生盲貧窮具受諸苦善住聞已心驚惶怖身毛爲豎顫慄不安奔馳往詣彼釋天所陳已所聞請求哀救時釋天王聞善住言心生驚悼默而思曰云何七生彼生何類作是念已即見善住死相現前受於豬身畢豬身已復受狗身如是次第狐身猴身毒蛇之身鳥身驚身如是七生恒食臭穢時釋天王見此事已深哀善住必受斯苦自念於彼無如之何唯佛世尊方能救濟時釋天王於夜後分齎諸華鬘衣服瓔珞種種香等詣舍衛國供養世尊禮佛雙足却住一面而白佛言世尊我所止宮有一天子名曰善住耽荒戲樂縱情遊處夜忽有聲呼而謂曰汝後七日必定命終於閻浮提受七惡報

所生之處常食臭穢從是已後復入地獄從
地獄出得主人中盲瞽貧窮具受衆苦向我
求救無如之何我思世尊方能救彼爾時世
尊聞見釋天陳請畢已頂放種種雜色光明
流照十方一切世界照已還至佛世尊所右
遶三市從佛口入佛便微笑告釋天言我有
如是清淨諸趣灌頂最勝大陀羅尼能滿汝
願救於彼苦亦大饒益一切衆生天帝我此
神呪力能滅除一切業障地獄畜生閻摩羅
等種種諸苦又能破壞地獄等道令諸衆生
登正覺路天帝若有暫能聽聞之者悉得消
滅一切業障生死諸苦當獲善利得宿命智
從一佛國至一佛國從一天中生一天中所
生之處常識宿命若有學習此經呪者現百
年限更增其壽身口意淨泰然安樂諸佛觀

視諸天衛護一切菩薩咸加慈念若常讀誦
此經呪者彼三惡道所有諸苦息滅不行一
切佛刹諸天福門導之令入時天帝釋聞佛
讚說此陀羅尼前白佛言世尊唯願如來憐
愍攝護一切衆生請說所陳清淨諸趣佛頂
最勝大陀羅尼爾時世尊受天帝請即爲演
說陀羅尼曰

納謨納莫一怛薩謎薄伽跋帝二唵唎路迦

引鉢羅底祕失瑟吒引拏耶何切三菩馱引

耶四摩訶牟泥去聲怛姪他六鳴咩七香

輸馱耶八三摩三漫多何婆去聲婆賀婆九嚩

破囉拏去聲底伽訶那十嚩婆何婆婆舜入聲

提十一阿鼻詵者麼蘇伽陀跋囉跋繕那二十阿

蜜唎多引毗曬鷄平聲呼可引上喝囉上阿

引喝囉上阿引去聲瑜散去聲陀引囉昵上五輸

馱耶輸馱耶六十五薩婆羯摩婆羅拏十八引你七十謎

盧羅跋伽伽那毗舜去聲提八十鳴瑟膩引沙

跋羅曷囉怛那毗社耶九十達摩馱都蘇毗舜

提二十薩訶薩囉喝囉濕弭珊珠地帝二十末

昵摩訶末昵蘇真陀末昵二十跋囉薩婆怛

他揭多地瑟咤引那地瑟恥多三十摩訶母

姪唎四十跋折囉箇引耶僧訶哆那蘇舜提

二十薩婆婆羅拏毗舜提六十鉢刺底婆你

婆哆耶余何切啊去聲瑜舜提七十三摩耶頰地

瑟恥低八十末你摩末你九十怛闍多部多

俱胝鉢李舜提三十毗切薩普多辭地平聲舜

提三十社耶社耶三十毗社耶毗社耶三十

毗社耶薩摩囉薩摩囉四十薩婆菩馱引頰

地瑟恥多舜提三十跋折唎跋折囉揭鞞十三

六跋折覽婆伐都三十麼麼自稱薩婆薩埵

耶三十三箇耶毗舜提九十薩婆伽去聲底平聲鉢

李舜提四十薩婆怛他揭多四十三磨去聲室縛

二字合聲 娑頰地瑟恥低四十辭陀切耶四十辭

陀四十菩陀耶菩陀耶四十三曼多末囉達

摩馱都鉢李舜提四十薩婆怛他揭多四十

頰地瑟咤引那頰地瑟恥低四十娑婆訶十四

八

佛告天帝此陀羅尼八十八億百千恒河沙

諸佛世尊所共宣說守護稱讚智印印之如

是諸佛為欲解脫地獄畜生閻摩羅等沉溺

苦海諸苦毒故又為利益短壽薄福卑陋下

賤一切衆生諸惡業故又為安樂趣諸惡道

天逝亂心一切衆生諸苦惱故是故諸佛說

此最勝大陀羅尼天帝汝當以此大陀羅尼

授善住天令彼修習亦當為彼諸天天子及

閻浮提一切衆生宣揚顯說令彼衆生受持
讀誦供養恭敬尊重讚歎天帝我以此法陀
羅尼印付囑於汝汝當奉持此呪者悉能
除滅百千劫中一切罪業所生之處常遇諸
佛乃至獲得無上菩提天帝我此法印大陀
羅尼具大吉祥如日藏寶所在之處光明照
朗亦喻於彼閻浮提金無穢無瑕不染塵垢
若人有能讀誦書持憶念修行供養之者悉
得如上所有功德天帝若有書此大陀羅尼
安彼高幢置高山上高屋高處及高塔中令
諸四衆遠近見者亦得如上所有功德或爲
幢影影覆其身或爲幢風風所吹鼓或幢飄
颺飛塵全身亦得如上所有功德天帝若有
四衆能於彼彼四衢道中造作塔廟安置如
是大陀羅尼日能以種種華鬘繒幡幢蓋

瓔珞香等以用供養及能旋遶恭敬禮拜當
知是人是大菩薩是真佛子是法橋梁亦是
諸佛舍利寶塔爾時閻摩法王聞是事已其
夜將曉賫持種種雜色寶華種種諸香寶衣
瓔珞來詣佛所頂禮佛足右遶七匝却住一
面以諸供具供養如來修供養已莫五白佛言世
尊我今爲欲報佛恩故常勤奉事此大威力
具大果報擁護一切閉地獄門清淨諸趣大
陀羅尼爾時四天王從座而起遶佛三匝前
白佛言世尊唯願爲我說此修行陀羅尼法
佛告四天王諦聽諦聽善思念之吾爲汝等
及諸衆生說彼修行陀羅尼法若有命短求
長壽者或有病苦求除愈者或有惡業應墮
地獄餓鬼畜生諸不善趣如是等類皆當以
彼月十五日洗浴清淨著新潔衣又當受持

八戒齋法然後誦此大陀羅尼滿足千遍當獲安樂增其壽命所有病苦皆得除愈諸惡業報悉滅無餘若有耳聞如是咒者盡其壽命往極樂國蓮華化生常識宿命若有爲彼惡業所牽已命終者亦當誦此陀羅尼咒二十一遍以咒呪土散其屍上隨所生處捨彼苦身生天受樂若能日日誦此最勝大陀羅尼經三七遍亦得如上所有功德生生常處淨佛國土於諸佛刹作大光明常與佛俱爲佛所記乃至獲得大般涅槃若有諸人於此法門如上所求諸心願者當作一壇四方正其五等於其壇內散種種華燒衆名香一心普念十方諸佛右膝著地踞跪合掌屈二頭指按二拇指當於心上稱言善哉然後誦此陀羅尼咒若有人能誦持此咒日日滿足一百八

遍即爲供養如上所說恒河沙等諸佛世尊亦爲供養汝等四王當知是人一切讚善以大菩提莊嚴其心獲無礙智是真佛子爾時世尊說此語已告天帝言天帝汝可以此陀羅尼法授彼善住滿七日已可與彼俱來至我所時釋天王受佛教勅還本天宮呼善住來授彼神呪善住聞已恭敬供養如說奉行至于七日諸惡業等皆得除滅於已天中增其壽命歡喜踊躍發大聲言奇哉佛陀奇哉達磨奇哉僧伽奇哉最勝陀羅尼印力能滅除一切苦厄令我得脫如是惡業時善住天見是事已即便往詣彼天帝所作如是言我蒙天恩爲我請佛佛爲我說大陀羅尼今我惡業皆悉除滅我欲往謝佛世尊恩唯願天王與我俱往時天帝釋將諸部屬與善住俱

